

**დადგენილება #ე.პ. 0583-24**  
**გაფრთხილების სახით ადმინისტრაციული სახდელის**  
**დადების შესახებ**

თბილისი

07 მარტი 2024

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯიას“ სათაო ოფისის ადმინისტრაციული სამართალდარღვევის საქმის განმხილველი კომისია, კომისიის თავმჯდომარე ნინელი ბოჭორიშვილი

2. საქმის განხილვის თარიღი: 2024 წლის 07 მარტი

3. ცნობები პირის შესახებ, რომლის მიმართ განიხილება საქმე:

შპს „მადაგი 7“

მდებარე, იურიდიული მისამართი: ქ.თბილისი, ნაძალადევის რაიონი, ც.დადიანის ქუჩა #34, კორპ #13, ბინა #34

საიდენტიფიკაციო კოდი #402205065

ფაქტობრივი ადგილსამყოფელი: საგარეჯო, სოფელი ბადიაური

4. საქმის განხილვისას დადგინდა შემდეგი გარემოებები:

2024 წლის 27 თებერვალს, საგარეჯოს რაიონის, სოფელ ბადიაურში აბონენტ #9610027301-ის აღრიცხვის კვანძის შემოწმებისას დაფიქსირდა ელექტროენერგიის აღრიცხვის წესების დარღვევით მოხმარების ფაქტი, დადგინდა, რომ შპს „მადაგი 7“-ს დავალიანების გამო შეწყვეტილი ქონდა ელ.ენერგიის მიწოდება (შეწყვეტის ჩვენება 000205.0), თუმცა შემოწმებისას ჩართული იყო ქსელში და მოიხმარდა ელ.ენერგიას (წინსვლის ჩვენება 000220.7). აღნიშნული კი წარმოადგენს სამართალდარღვევას, რაზედაც შედგა სამართალდარღვევის ოქმი ას №007173. შპს „მადაგი 7“-ს მიმართ 2023 წლის 27 თებერვალს შედგენილ ადმინისტრაციული სამართალდარღვევის №007173 ოქმს

სს „ენერგო-პრო ჯორჯია“

ხელი მოაწერა ობიექტის წარმომადგენელმა, გიორგი ზირაქაშვილმა (პ/ნ 36001039069), რომელმაც აღიარა სამართალდარღვევის ჩადენის ფაქტი.

შპს „მადაგი 7“-ს მიერ ელ.ენერჯის მოხმარება აღრიცხვის წესების დარღვევით (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2024 წლის 28 თებერვალს ელექტრონულად გამოგზავნილი ინფორმაციით. საქმეში, ასევე, წარმოდგენილია 27.02.2024 წლის №1283889 აღრიცხვის კვანძის შემოწმება-მიღების აქტი, რომლითაც ასევე დასტურდება შპს „მადაგი 7“-ს მიერ ელ.ენერჯის მოხმარება აღრიცხვის წესების დარღვევით. საქმეში დევს დადასტურება, რომ შპს „მადაგი 7“-ს ეცნობა საქმის განხილვის დროისა და ადგილის თაობაზე, სხდომაზე არ გამოცხადდა შპს „მადაგი 7“-ს წარმომადგენელი. გამოუცხადებლობის საპატიო მიზეზებისა თუ სხდომის გადადების თაობაზე სამართალდამრღვევს არანაირი განცხადებით არ მოუმართავს. ამდენად, კომისია უფლებამოსილია მისი დასწრების გარეშე განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; აბონენტის ბარათი; ამონაწერი სამეწარმეო რეესტრიდან; საქმის განხილვის დროისა და ადგილის თაობაზე ჩაბარების დადასტურება), რომელთა მეშვეობითაც დგინდება შპს „მადაგი 7“-ს (ს/კ 402205065) მიერ ადმინისტრაციულ სამართალდარღვევათა კოდექსის 96<sup>1</sup> მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერჯის მოხმარება აღრიცხვის წესების დარღვევით. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების სამთვიანი ვადა.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96<sup>1</sup> მუხლის პირველი ნაწილით; მე-10; 38-ე; 236-ე; 240-ე; 228<sup>2</sup>-ე მუხლებით; 266-ე მუხლის მე-4 ნაწილით; სემეკის სემეკის 12.08.10წ. #14 და 28.06.2021წ. #19 დადგენილებებით; ს/ს „ენერგო-პრო ჯორჯიას“ 30.06.2022წ RU2022007 წესით, 10.10.2022წ. #OR2022037 ბრძანებით და:

**და ვ ა დ გ ი ნ ე:**

სს „ენერგო-პრო ჯორჯია“

6. შპს „მადაგი 7“ (ს/კ402205065) ცნობილ იქნეს ადმინისტრაციულ სამართალდამრღვევად ა.ს.კ. 96<sup>1</sup> მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15 000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:



კომისიის თავმჯდომარე  
ნინელი ბოჭორიშვილი